

龙溪精舍丛书

龙溪精舍丛书

明堂月令下

季夏之月

日在柳

自柳三度至張十二度謂之鶉火之次小暑大暑居

之周之分野

續志注三

案章句釋日月所會十二次甚明余氏蕭客古今

解鉤沈泥節氣中氣之名率爾分繫遂以此條繫

小暑至之下而并柳度數則繫日長至之下不惟

鶉火反在鶉首前且中夏日行歷兩辰而季夏日

月合宿無其處失檢甚矣

昏心中

孔氏穎達尚書洪範正義引月令○左氏春秋

昭公三年正義引月令

案月令中星皆舉列宿本名則火當爲心矣且呂

紀淮南竝作心尚書左傳疏竝引作心矣其可證

今本禮記者惟詩綢繆序疏引作火耳唐刪定本

正月節曉心中亦不作火

旦奎中

律中林鐘

章句本見章句

季夏中林鐘管長六寸言万物成熟種類眾多林衆

也

御覽十
六注

林鐘爲宮南呂爲商應鐘爲角大簇爲

徵姑洗爲羽蕤賓爲變宮大呂爲變徵

依隋書四十九補

案時則作律中百鐘高注百鐘林鐘也雖未引周語和展百事爲據實以百有眾義定之但彼於季夏月首全用中央文竄易而此句獨用本律則土王律中之文缺矣且林鐘屢見天文訓百鐘止此一見意淮南賓客自嫌兩文羈廁特改百字以迷後人歟然有朝於中宮句在終缺明堂右个之文不能掩其跡也

溫風始至

溫風暑之在風者也

施氏元之東坡詩注卅一

蟋蟀居壁

蟋蟀蟲名斯螽莎雞之類

執文九十七

或謂之蜚亦謂之

蜻蛉

御覽九百四十九

案說文蜚螽鼎臣謂今俗作蟀非是未思帥率古通用也蜚之或體爲脾則蜚亦可作蟀熹平魯詩殘碑同此矣選注三引章句皆無斯螽莎雞之類句句以七月篇三物連言故曰類未嘗誤也乃孔疏但摘斯螽二字輒斥爲非何其鹵莽朱文公詩集傳目爲一物則異乎類之云矣

腐草爲蠋

說文虫部併明堂月令○陸氏德明亦正釋

蟲釋文○重修廣韻先弟一○集韻先弟一○太

平御覽蟲豸部

鳩化為鷹鷹還化為鳩故鳩化今腐草為螢螢不復

為腐草故不復化

月令正義

案蠲禮記陸本作熒又作本及孔本作螢呂作螢

蚘

据注螢衍字

淮南作蚘互異許解云蠲馬蠲蓋即尔

疋注之馬蠲蚘疏以方言馬蚘證高云蚘馬蚘一

曰螢火然則蠲蚘與熒為一物歟而微有別据莊

子夔憐蚘蚘憐蛇司馬紹統云蚘多足淮南兵略

有良將之卒如蚘之足語博物志百足一名馬蚘

知蠋以足行不以翼飛實非一物而蚡亦訓螢火者蓋螢之化先有光而後有翼陶隱居注名醫別錄謂初時如蛹腹下已有光數日變而能飛是也

今吳俗呼爲火百腳與博物志合

通卦驗作腐草爲蠋鄭注云舊

說腐草爲鳴今言蠋其物異名乎據許書蠋蠋俱益聲以咽解蠋雙聲爲訓蠋古音如圭故毛詩吉蠋韓書作吉圭高氏讀呂淮蚡如蹊徑之蹊然則咽蠋蠋圭蚡蹊皆相近而蠋可通借注乃疑蠋不疑鳴蓋鳴卽蠋蚡之譌也○月令音義云或作腐草化爲螢者

非也蓋据章句非之而章句未必定作螢或孔氏依經改如震作振祀作祠之類

天子居明堂右介

案此右介盛德之二伏傳之坤隅也

命漁人伐蛟取鼉登龜取鼃

鄭氏尙書大傳注引月令

案漁人同淮南高注云掌漁官登呂紀作升章句

本當同也

命榜人

鄭氏月令注今月令漁師爲榜人○張氏揖司

馬長卿子虛賦注引月令○文選謝宣遠集別詩

注

案榜舫聲相近

廣韵四十二宿舫舫人習水者也補曠切四十三映榜榜人船人也

北孟切

張注船長與許解習水者又同義實舟牧之

異文當列在季春段氏說文注云辭章家用榜人

則舟部之舫人也雲謂西京賦用舟牧蓋仿子虛
賦用榜人而不襲其所据本若伐蛟等事自當專
命漁人準以大傳注所引此必譌矣抑又疑下文
澤人淮南作泐人泐澤義通今月令或亦澤爲泐
兩條相接或轉寫誤在漁師下校書者又据張氏
所引改泐爲榜未可知也茲不欲違鄭本并張注
李注列此仍以伏傳注引者爲正經云

命田監

鄭氏月令注今月令四篇田

黑黃蒼赤

開成石經本

案石經倉龍倉玉不作蒼而作此蒼岐矣然可證

舊本月令有如是者

以別貴賤等級之度

開成戶經本

案文同孟冬貴賤之等級呂紀是也宋明本禮記
級多誤給

乃命虞人

案陳集說脫乃字

無有斬伐

執文類聚木部引禮

以妨神農之事

日本國本魏氏徵羣書治要月令

神農則炎帝

月令正義

案正義標起止亦無也

麥氏月令
土潤溽暑

陸氏釋文或作本。開成石經本

案文選悼亡詩注引說文溽暑溼暑也許君據明
堂月令爲說也今本溽篆下皆脫溽暑賴李氏善
存其文知呂劉作溽合乎古而戴記借辱爲之今
正義本作溽非孔之舊

大雨時行

大雨時行行降也從土潤以下皆爲下句

月令正義

案下正義曰蔡前云從土潤以下皆爲下句是與
鄭相合也則亦膏澤易行之意蓋因文似紀候特
辨其非而時訓之分爲兩候謬矣

燒薶

說文艸部傳明堂月令季夏○集韻霽第十二

可以糞田疇

穀田曰田麻田曰疇

月令正義

案說文樹穀曰田說苑疇也者所以爲麻也章句本之如淳班志注單引下句

可以美土疆

開成石經本○淳熙撫州本

案石經周禮草人疆槩用蕢撫州禮記釋文疆其丈反皆不作疆俗本注疏釋文皆誤加土然觀注文強槩知經必作疆疆與強通疆則不得音其丈反也呂紀作疆淮南作壇彼注自訓界畔難援爲

例章句之義不知與鄭高詭同而作彊正可兩讀

賈子衛侯名辟彊彊讀彊

鷹隼蚤鷙

陸氏釋文亦作本○洪氏興祖離騷補注引

月令○淳熙撫州本

案呂紀作鷙淮南作鷙

右篇第六

此篇與中央篇合卷

中央土

中郊

據陳政要封事及盧氏植禮注訂

正五里因土數也

續志注入○通典四十二

○王氏玉海十二○孫氏穀古微書十七

案范書伯喈陳政要封事一事言明堂月令天子

以四立及季夏之節迎五帝於郊所以導致神氣
祈福豐年清廟祭祀追往孝敬養老辟雍示人禮
化皆帝者之大業祖宗所祇奉也然則經以中央
土三言當四郊迎盛德之文章句卽依迎郊例釋
之而稱中郊正猶魏侯傳名大學爲中學伏生傳
名大室爲中室也又子幹解詁云中郊五里之郊
章句釋四郊皆似申盧說者則此必不異自宣卿
注續志嫌其與志不合輒以去邑易之致君卿楮
以壇字伯厚子雙又改從中兆而中郊之文沒矣
惠氏定字曰中郊卽方澤洪範傳中央之極自昆

侖中至大室之野帝黃帝神后土司之昆侖地之

中大室之野澤之方丘也是中郊之確訓

其帝黃帝其神后土

獨斷○鄭氏祭法注引明堂月令

律中黃鐘之宮

章句本見章句

黃鐘之宮謂黃鐘少宮也半黃鐘九寸之數管長四

寸五分六月用爲候氣

月令正義

案孔疏斥章句之說爲非陸稼書讀禮志疑難之

曰四寸五分之管既不可候六月之氣九寸之管

之聲何以應於六月乎恐沖遠不能荅也伯喈精

於審聲貴以耳決其言未可輕議○章句依經次

弟專言六月實該四季月之十八日也若無律管

候氣土之寄王何徵

沅案專言六月者承火傳金順生氣也春夏交則承剋制

秋冬交則傳者受克冬春交則受所傳之剋也故夏季土氣獨旺

其數五

案土之數五見八七九六章句及此篇里數所因

矣

其祀中雷

獨斷○鄭氏祭法注引明堂月令

案獨斷云中雷季夏土氣始盛其祀中雷雷神在

室祀中雷設主於牖下也

祭先心

許氏異義案月令○祭法注引明堂月令